



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm V. Vt litigantes.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

CAPITVLVM V.

Vt litigantes.

PARAPHRASIS.

Vt litigantes à laboribus, & expensis relevantur, statuit Bonifac. VIII. ne Archiepiscopus causas subditorum Coëpiscopi, quæ per appellationem, vel aliâ iure metropolitano ad ipsum deuoluta est, alibi cognoscere, aut cognoscendam delegare possit, quâm in propria ciuitate, aut diœcesi, vel in eadem diœcesi, ex qua causa profecta est: præterquâm si per consuetudinem aliud obtentum sit.

SUMMARIUM.

1. *Promissio non obligat, si facta sit contra ius publicum, vel contra obedientiam Superiorum.*
2. *Neque obligat facta de re illicita, etiam si iuramentum accedat.*

NO T A N D V M I. Promissio non obligat, si facta sit contra ius publicum, vel contra obedientiam Superiori debitam. Nam priuatorum conuento iuri publico non derogat, reg. 45. ff. & c. si diligenti, 12. de foro competit. Et in malis promissis fidem non expediri obsernari, reg. 69. in 6. Cùm impossibile sit, aliquem obligari ad id, quod sine sceleri impleri nequit. Cùm itaque subditus legitimè interroganti Superiori veritatem edicere teneatur, ideo non potest ille se obligare ad tacendum. Vide quæ dixi lib. 3. tr. 3. p. 2. c. 4. assert. 8. & tract. 6. c. 2. n. 3.

NO T A N D V M II. Promissio de re illicita non obligat, tametsi iuramentum accedat. Nam iuramentum institutum non fuit, vt reficiat vinculum iniquitatis, c. quanto, 18. de iure. Et reg. 58 in 6. *Non est obligatorium contra bonos mores praestitum iuramentum.*

1. *Archiepiscopus de iure communi non potest causam cognoscere in diœcesi Coëpiscopi, nisi ex ea ad ipsum deuoluta sit.*
2. *Causa appellationis secundum ius canonicum delegari potest etiam à non Principe, seu suprimeo indice.*

NO T A N D V M I. Discrimen est inter Legatum ad plures prouincias destinatum, & Archiepiscopum pluribus diœcesibus præsidentem: Quod ille in quoquis prouinciarum loco causas cognoscere possit per se, vel per alium, c. nouit, 7. de offic. Legati. At verò Archiepiscopus, spectato iure ordinario, non potest causam cognoscere in diœcesi Coëpiscopi, nisi ex ea ad ipsum deuoluta sit. Ratio discriminis est: Quia Legato in omnes legationis suæ prouincias iurisdictionis exercitum competit: Sed Archiepiscopus iurisdictionem non exercet in diœcesibus Coëpiscoporum, præter casus iure ipsi permisso. Ita notat hic Ancharanus not. 2. Dixi autem, iure ordinario non posse Archiepiscopum causas cognoscere in qualibet diœcesi prouinciae.

Excipitur enim primò: Nisi consuetudine aliud receptum sit: Secundò: Nisi partes consentiant, vt in alio loco, seu diœcesi causa tractetur, arg. c. statutum, 12. §. in nullo, de

Yyyy rescript.

730 Decret. Gregor. Lib. I. eod. Tit. in 6. Cap. VI.

rescript. in 6. Dummmod etiam Ordinarius loci contentus sit, vti constat ex c. 1. eod. de offic. Ord. in 6. & notauit Gl. hic ver. expensis, Dominic. Gl. 2.

Sed in diœcesi, vnde causa profecta est, Archiepiscopus eam iudicare potest, per se, vel per alium. Imò addendum est, quòd causæ mediocritas, & itineris longinquitas sëpe non permittat, vt causæ appellationum in Metropolitana Curia audiantur, ideoque in diœcesi litigantium per delegatum expediri debeant, arg. l. cùm post, 26. C. de appellat.

2. NOTANDVM II. Causa appellationis secundum ius canonicum delegari potest etiam à non principe, seu supremo Iudice. Ita hic, & c. super quæstionum, 27. ver. Nos autem, de offic. delegati, & docent Imola, & Abb. in c. ex literis 4. paulò post princ. de in integrum restit.

CAPITVLVM VI.

Si Episcopus.

P A R A P H R A S I S.

Si Episcopus diœcesis non per se, sed per alium visitet, visitatori ipsem prouidere debet necessaria, videlicet famulos, equos, salarium, iuxta c. inter cætera, 15. extrâ, hoccit. Visitati autem solum præbere coguntur necessaria ad victimum, iuxta c. 1. & seqq. de censibus, in 6.

S V M M A R I V M.

1. Nomine victimalium comprehenduntur cibus & potus, non famuli, vestes, &c. nomine autem alimentorum preter victimum etiam alia ad sustentationem necessaria comprehenduntur.
2. Episcopus non personaliter visitans, à visitatis per alium nil potest exigere.

NOTANDVM Vn. Nomine victimalium non comprehenduntur famuli, vestes, equi, salario; sed cibus, & potus, iuxta l. Dia-rijs, 21. ff. de alimentis, vel cibarijs legatis: Quare & diarium appellari solet, quod in

vnum diem alicui ad victimum ministratur. Sed nomen alimentorum præter victimum, etiam alia ad sustentationem necessaria, ut vestes, habitationem, &c. comprehendit, l. legatis, 6. ff. eod. & dixi lib. 5. tr. 10. p. 3. c. 5. n. 7. §. Tertium.

S. Idem.

Episcopus ob id, quòd personaliter non visitat, à visitatis per alium non potest quidquam exigere. Ratio est; Quia procurations seu victimalia debentur ratione visitationis, iuxta c. cùm venerabilis 21. & c. procurations, 23. de censibus: Ergo Episcopus personaliter non visitat, nihil exigere potest: sed ille accipiet, per quem Ecclie sive visitantur.

Simile quiddam est: Subditi in Germania, præfertim coloni originarij, domino suo aduentanti, aut prætereunti angarias seu vehiculares præstations debent, obsequij causa. Quod si vero accidat, vt nunquam, aut rarissime ad aliquem locum accedit, non potest loco eiusmodi angariarum aliud quipiam exigere. Multò minus ius angariarum vicino alicui domino vendi potest; partim quia haec angariæ obsequij causa domino personaliter præsenti ex antiquissima consuetudine debentur, non alteri; partim quia angariæ inter regalia numerantur, quæ vendi seu alienari non possunt.

CAPITVLUM VII.

Cùm Episcopus.

P A R A P H R A S I S.

Episcopus tanquam Ordinarius Iudex, per se vel per alium in quois loco diœcesis suæ non exempto, pro tribunali sedens, causas ad forum ecclesiasticum spectantes audire potest; atque personas ecclesiasticas, cùm earum excessus ita merentur, capere, & incarcere; atque reliqua, quæ ad eius officium spectant, liberè exercere.